



ՀԵՆՐԻԿ ԹՈՒՄԱՆՅԱՆ

ՄԱՏՅԱՆ ԳՈՅՈՒԹՅԱՆ*

Ո՛ւր էր ոգին այն հպոր, ո՛վ էր արդյոք որ պիտի
 Փայլատակմանը մտքի խառնած կրակն իր սրտի
 Ձև տար հայոց հնչյունին,
 Հույս, հայրենիք՝ անտունին,
 Հավատ՝ հայոց աստղաշատ երկնքի տակ ապրելու,
 Նրա սարերը ծովի-ծովի,
 Աղբյուրները սիրելու,
 Նրա պաղ-պաղ ջրերից,
 Սիրածի տաք համբույրից
 Ուժ առնելու, պահելու այդ հպոր սերը անշեջ,
 Ինչպես հնչյուն՝ քանդակված ամեն հայի սրտի մեջ:

Հասավ ժամը լուսավոր,
 Պա՛հն ստեղծման... ու մի օր
 Ծախրեց ոգին հանճարեղ ամենասուրբ Մաշտոցի,
 Ցրեց գիշերը մթին, վանեց խավարն իր խցի,
 Տքնեց երկա՛ր, անտրտո՛ւնջ:
 Աղբյուրի պես կարկաչում,
 Ձև էր առնում հայրենի լեզվի ամեն մի հնչյուն,—
 Երանելի, երապած հայոց գիրը առաջին,
 Նոր ջունչ տալիս ստեղծման հայրենավառ իր տենչին,
 Նոր լույս՝ թռչնած արտերին,
 Նոր հույս՝ կոտրած սրտերին...
 Եվ նոր լույսով այդ հանկարծ
 Ողողվում են սրբատաշ կամարները մթագնած,
 Նոր արևն է ճառագում, իր հետ բերում նոր բարին՝
 Հայոց բարձրի՛կ աշխարհին:

Ինքը իրեն մոռացած,
 Լույս ճակատը ափի մեջ՝ մագաղաթին խոնարհած՝
 Անվերջ գրում է, գրում նա իր գունատ մատներով,
 Մե՛ծ տքնության խոր սիրով
 Հախոց գիրը՝ կյանքի պես հարապատ ու սրտագին,
 Կենդանություն է տալիս իր լուսավառ տենչանքին,
 Երապներին իր պալծառ...

* Տպագրվում է որոշ կրճատումներով:

Ասես տեսնում է ահա
 Հայ մանուկներ՝ ձեռքերնին իր նոր գրերը պահած
 Կարդում են օր ու գիշեր,
 Կարդում լեզվով մայրենի,
 Որի հմայքը թովիչ և յորի ո՞ւժը չունի
 Ո՛չ մի հզոր զորավար, ո՛չ մի ծաղիկ խնկարույր,
 Կարոտի ո՛չ մի համբույր:
 Եվ թռչում է, թևածում գիրը հայոց դպրության,—
 Ինչպես անմար արևի ճառագայթը վաղորդյան,
 Ինչպես շո՞ւնչը կենարար,
 Ինչպես զարո՛ւնը կանքի,
 Ինչպես պտուղն անդրանիկ դարերի լույս տենչանքի:

Մեսրոպյան գիրը հասավ հայոց լեռները բոլոր,
 Մտավ շենե՛ր, աժանե՛ր...
 Ու նա տեսավ՝ թե մի օր
 Ինչպես լեզվով մայրենի ամեն ոգի արթնացավ,
 Օջախներից կիսավեր կլանքի նոր ծուխ բարձրացավ,
 Ակիւք առավ խոսքը նոր՝ բխած բազում սրտերից,
 Հացը եկավ արտերից,
 Սերը մահվանը հաղթեց, բացվեց ժպիտը գարնան
 Լո՛ւյս մատյանով Մեսրոպյան:

Եկան, անցան արքաներ և բյուր թագեր փոխվեցին,
 Բայց գրերը Մեսրոպյան աստղերի պես մնացին
 Վա՛ռ ու վսե՛մ, հավերժո՞ղ,
 Անմար՝ ինչպես լույսը շող,
 Ինչպես հույսի՛, հավատի՛ և գրության մեծ մատյան,
 Որ մեր հոգո՛ւմ, մեր սրտո՛ւմ
 Ու մեկ հետ է հավիտյա՛ն:

